

Z cyklu - felietónowé wiérztë - 54

Wëwiészónô naszô fana,
Ždajemë na wiater.
Z górë zdrzimë na Gedaniã
Miasto dlô nas swiãté...

Chòc to jinyma nie plazi -
Nôwôžniészé òno!
Chòcbë galą mòwë wãži
Internet miôł splënac...

A niezgara cëzych lëdzy
Dãpia mòkrim scërzã -
Nie mdã sã swòjiznë wstëdzył
Nie wierzëc, w co wierzã

Nicht mie gadac, co móm mëslec
Nie bãdze, dolëbóg!
Czej chcã zaklnac - klnã sarcësto
Czedë chcã - sã mòdlã...

Òblec so wëszëté ruchna? -
Sã òbùjã dëbelt...
Nie pôchnie tim antkóm na wsë? -
Jòłchã sã wëleje...

Jak ùnuzlac sã tobaką -
Sòrknã we dwie dzurë...
Pizza mie ze sledzã szmakò -
Jaz sã trzãsą ùszë...

Mają nas, Kaszëbów w zgardze?
Bãdze tak i bëło...
Cos nie sztëmùje w Trójgardze?
Ceptą szczëną òlòc...

Leno spróbùjta zakòzac
Pisac pò kaszëbskù...
Kùńczã, wiater nad Gròdowã
Kùsnijszta mie w rzëc, tu!

(...)

Równak cos mie szeptna w nocë,
Co jaczi mądrzele
Napiselë, bë pòdskòcëc
Jednotã Kaszëbów...

Tómk Fópka, Chwaszczëno, 20 strumiannika 2024 rokù, gòdz. 5.51 d.p.

Źródło: https://www.trojmiasto.pl/wiadomosci/Gdynia-i-Gdansk-przestancie-udawac-Kaszubow-n187453.html?fbclid=IwY2xjawEiysZleHRuA2FlbQIxMQABHXGNyShfI01xkjsArlgJDDWTtZxNUyJChfcJw3lYaXhxphia-Zz-kL_Few_aem_kADxRfkJJ1GC75OKksL-Mw